

lyrato-pinnatifida, superiore angusta, basi semiamplexicaulia; pedunculi bracteati; capitula pro genere parva; involueri foliola exteriora dorso subindurato, interiora viridia pappum æquantia; ligulæ albidae, longiusculæ (exsiccate ochroleucæ), exteriores dorso purpurascentes; achenia omnia pappo plumosa coronata, rostro longiusculo ipso achenio subæquali.—*Hab.* Hinc inde in planities Maroccana. Prope Sheshaoua! Mzouda! Seksoua! et alibi.

Ex acheniorum structura ad § *Eupieris* adjungenda, facie potius ad § *Spitzelia* subsimilis et præsertim ad *P. cupuligeram*, Dur. in Expl. Alg., quæ verosimiliter est *P. pilosæ*, Del., mera varietas. Nostra species proxima est *P. campylopodæ*, Boiss., et *P. longirostræ*, Sch. Bip. Prior differt habitu erecto, foliis sinuato-dentatis indumento minus rigido.

In *P. albida* indumentum in herba tota biforme, ex pube brevi et setis rigidis apice non glochidiatis.

Crepis taraxacifolia, Thuill. DC. (sub *Barkhausia*); subsp. *C. stellata*, nob.—Differt a typo caule minus ramoso oligocephalo, foliis magis hispidis, involueri foliolis exterioribus angustioribus, valde inæqualibus magis adpressis, interioribus margine membranaceis, post anthesin concavis stellatim expansis, receptaculo minus piloso.—*Hab.* In provinciis meridionalibus Imperii Maroccani, sat frequens. Haha! Tasseremout! Urika! Seksoua! Ait Mesan! usque 1400^m.

Forma Maroccana *C. taraxacifoliæ* habitu diverso, potiusquam charactere technico, distinguenda. Achenia foliolis involueri subæqualia; exteriora foliolis adhærentia.

Crepis (§ *Omalocline*) *Hookeriana*, nob.—Rhizoma perenne, crassum, sæpius furcatum; folia omnia radicalia, hirtula, lyrato-runcinata, lobis triangularibus acutis, sæpius denticulatis; scapus 4-8 pollicaris, adscendens, indivisus, medium versus bracteola linearis instructus; involueri foliola exteriora angusta, interiori nigrescentia, apice ciliolata, lana brevi plus minusve adspersa; receptaculi foveolarum margo membranaceus lacero-ciliolatus; ligulæ flavæ dorso rubellæ; achenia elongata, non compressa, laevia, vel oculo armato tenuissime asperula; pappi nivei setæ scabriuscules.—*Hab.* In regione superiori Atlantis Majoris, in monte Djebel Tezah! a 2400^m ad 3000^m.

Species probe distincta, affinis *C. oporinoide*, Boiss. Voy. en Esp. ii., p. 388, tab. cxvii. In hac scapus foliaceus, bifurcatus; folia pinnatifida, glabra, seu rarius parce lanata (nec hirtula), segmentis subæqualibus, linearis-lanceolatis, obtusiusculis, supremo elongato; margo foveolarum receptaculi brevissimus, vix membranaceus, sublente minutissime ciliolatus. Celeb. Boissier *C. oporinoidi* suæ pappum plumosum et achenia compressa tribuit. In speciminibus plurimis a me exploratis pappi setas simplices sublente asperulas, et achenium maturum subcylindricum, nec compressum semper observavi. *C. cæspitosa*, G. G.; Moris (sub *Barkhausia*) facie plantæ nostræ simillima differt acheniis rostratis cæterisque notis.

Hypochæris leontodontoides, nob.—Radix crassa, subverticalis, divisa, ad collum foliis emarginatis vestita; folia rosulata, obovato-spathulata obtusa, vel obverse lanceolata acuta, repando-